



OMALANDULATHANOTO- KOLO GA-SADC KOMBINGA YUUKASHIKE KO OKANTU NOMAPENDULOPO

GA ZIMINWA ETI 17 AUGUSTE 2008

*Omlandulathanotok
olo ga- SADC kombinga
yuukashike ko okantu
nomapendulopo:*

OMAKWATELOMO

shoka sha pondolwa po
miitopolwa ayihe,
mongongavi niilongitho
yopaitopolwa moku adha
ethikopamwe muukashike
ko okantu.

OMAPAMEKO

giilongithomwa mbika
otaga ningwa paku
opaleka omayooloko,
nokutula po omalalakano
gowina mpoka mbika
kaayi po nale.

OMAHWAHWAMEKO

gethikopamwe muukashike
ko okantu mokushilipika
uupulwankondo,
kiilyolongo ayihe
yaSADC , nongaashi wo
okugandja oompito
okutopolelathana
omadhiladhilo omawanawa,
eyambidhidho lyoomakula
netalululo.



EONTAMENO MOMALANDULATHANOTOKOLO GA-SADC KOMBINGA YUUKASHIKE KO OKANTU NOMAPENDULOPO.

OONZO DHA SIMANA	SHIKA OTASHI GUMU NGIINI NAMIBIA?
OKATENDO 4 - 8: UUTHEMBA WOPAVETA NOWOPAKOTAMPANGO, OKUYA MUUYUUKI Oku ka thika 2015: ✓ Omakotampango agehe moshitopolwa naga longe ngaashi taga vulu opo ga ete po ethikopamwe lyuukashikekookantu, nokushilipaleka kutya, shika itashi kondjithathana nomautho kehe, nenge ompango nenge iilonga. Shika osha kwatela mo wo ethikopame lyaakiintu naalumentu moondjokana. ✓ lilongo ayihe nayi kuthe po oompango dhokotango ndhoka dha hupa ko, nokudhipaga po oompango “dhongushu yaakiintu yi li pevi,” nenge eutho kehe lyopaveta tali tula aakiintu kofi yoohe, yaalumentu yawo, yoyanamati, nenge kofi yomukwezimo gwe omulumentu.	
OKATENDO 9: AANTU YE NA UULEMA Aantu ye na uulema oye na okukala nuundjolowe wayo, onkalonawa nomauthemba omakwawo taga hwahwamekwa e taga gamenwa.	Ekotampango lyaNamibia olya shilipaleka ethikopamwe komeho goveta nolya keelela okatongotongo kuukashikeko okantu, kolwaala, komuhoko, koludhi, keitaalo, komuhoko nenge ondhilo yopamahupilo, nenge yopashigwana (Okatendo 10). Oka totha mo uuthemba pethimbo lyondjokana nokonima yehalakanopo lyayo. Noka holola kutya ondjokana otayi ningwa ashike nezimo lyoonakuhokanathana ayehe yaali (Okatendo 12). Ooveta dhopashigwana inadhi ipuma mumwe nekotampango (Okatendo 66) Ekotampango olya utha ethikopamwe miilonga lyaakiintu, noye na okukumagidhwa nokunkondopekwa ya longe shomungunda, mopolitika, miinima yoshigwana, nomomahupilo (Okatendo 23(3)) Epangelo nail tule po omautho taga gandja ompito yethikopamwe kaakiintu (Okatendo 95 (a)). Ooveta dhuukwashigwana odhi thike pamwe muukashike ko okantu. Odha faathana kaanona mboka ya valelwa oohe nenge ooyina aanamibia, nenge ooyina noohe mbola ya hokana Aanamibia. Oveta yEthikopamwe lyAantu ya Hokana, Oveta 1, yOumumvo 1996 , oya kutha po ‘oonkondo dhomondjokana’ ndhoka kwa li hadhi hepekitha aakiintu mondjokana. Namibia oye gumwe gwomoonakushayina omauvathano ogendji taga lalakenene uuthikepamwe muukashike ko okantu, ngaashi Euvathano lyilgwanahangano (UN) kombinga yEhulithopo lyOludhi kehe lwOkatongotongo kAakiintu (CEDAW) nomakwawo galwe.
OKATENDO 10: UUTHEMBA WAASELEKADHI NAASILWAKADHI ✓ Kakele uuna sha tokolwa kompangu, aaselekadhi naya kale ye na uuthemba wokutekula nokukala noyana. Uuthemba wokutsikila nokukala megumbo lyondjokana, noshitopolwa shopayuuiki shuuthiga womusamane nakusa. ✓ Omuselekadhi oku na uuthemba okuhokanununa naango a hala, e ta popilwa komiyonena adhihe. Uuthemba mbuka owa kwatela mo wo aasilwakadhi.	Momumvo 2007 Namibia okwa ningi oshilyo shEuvathano lyilgwanahangano kUuthemba wAantu mbo ye na Uulema. Namibia okwa toto po Omulandu gwUulema mOshigwana momumvo 1997. Oku na wo Oveta yEleleo lyUulema mOshigwana, Oveta 26 yomumvo 2004. Omakwatho goshali ohaga gandjwa kaakuluntu nuunona mboka wu na uulema.
OKATENDO 11: OKANONA OKAMATI NOKAKADHONA ✓ Napu kale pu na omilandu, ooprograma noompango okushilipaleka egameno nomapendulopo guunona awuhe uumati nuukadhona, mwa kwatela ehulithopo lyokatongo koludhi kehe mofamili, moshigwana, miiputudhilo nomepangelo. ✓ Omaukwatya goohedhi onkulu tadhii ehameke naga hulithwe po, sha kwatela mo onkalankongo nethipombinzi lyopamahupilo. ✓ Napu kale oompito dhi thike pamwe okuya melongo.	Oveta yOndhilo yUunona, Oveta 6 yomumvo 2006 , noveta yEthikopamwe lyAantu mOndjokana, ohayi gandja ethikopamwe lyaana olwaamambinga kokutekula aanona nokuya sila oshimpwiyu, mbono ya valwa meni nopondje yondjokana, naashoka wo shi na okuningwa konima yeso lyanakukala nokanona. Oveta yOmatopolululo gEvi, Oveta 5 yomumvo 2002 , otayi gamene uuthemba waaselekadhi mevi lyaayehe, okuya pitika ya kale mevi moka konima yeso lyomulumentu ngele ya hala, nonando onaya ka hokane natango nagulwe. (Oveta ndjika ohayi longo wo nokaasilwakadhi)
OKATENDO 12-13 : OKUPANGELA (EKALELOPO NEKUTHOMBINGA) ✓ oku ka thika komumvo 2015, aakiintu naya kale ye na etata lyiipundi mokuninga omatokolo mu - SADC, momahangano gopaumwene nomiilonga yepangelo (mwa kwatela oparlemende, omalelo goomuni nokabinete). ✓ lilyolongo nayi se oshimpwiyu kutya, aakiintu naya kuthe ombinga neyitulomo miilonga yomahogololo noyokuninga omatokolo pakutunga po shomungunda, okugandja omaambidhidho nokutula po, oshowo okukoleka omaukwatya taga hwahwameke epapudhuko lyuukashike ko okantu.	Namibia oye oshilyo shEuvathano lyopallongo ayihe mligwanahangano (UN) kombinga yuuthemba wokanona nOmalandulathanotokolo omakwao. Ekotampango lyaNamibia olya gandja uuthemba welongo lyopontsapo lyoshali (Okatendo 20(2)), negameno kokulongitha uunona (Okatendo 15). Okuza pevalo aanona oye na uuthemba ya kale nedhina, nuuthemba wokukala nuukwaShigwana. Oveta yOndhilo yAanona, Oveta 6 yomumvo 2006 , oya kutha po okatongo akehe kopaveta kombinga yuunona mboka wa valwa pondje yondjokana. Oveta yesapoto, Oveta 9 yomumvo 2003 oya gandja omulandu gwoopalekululwa gwesapoto lyokanona.
OKATENDO 14: ELONGO NOMADHEULO ✓ Oku ka thika komumvo 2015 napu kale oompito dhi thike pamwe okuya melongo lyongushu nedheulo lyaakiintu naalumentu ongaakwatelipo yalyo moondondo adhihe dhelongo. ✓ Ope na okukala omilandu dhuuge melongo pamwe nooprograma dha dhladhililwa okushonga amalunduluko nokudhima po onkalankongo dha kankamekwa kuukashike ko okantu miiputudhilo.	Enkondopeko lyaakiintu otali adhika ashike ngele otaya kuthombinga meningo lyomatokolo. Oveta yomapangelo goomuni yomumvo 1992 , otayi lalakanene uuthikepamwe womiilonga kaakiintu momahogololo gomalelo goomuni. Momalelo goomuni aakiintu oye li mo oopelesenda 45% dhookansela ayehe. Ashike aakiintu owala 8 yomoomeya 30. Kombinga yaapehameya aakiintu oye li etata lyoopelesenda dhaapehameya ayehe.
OKATENDO 15-19: OONZO DHOKU ETA PO SHA NIILONGA, ENKONDOPEKO LYOPAMAHUPILO Oku ka thika komumvo 2015, omapangelo otaga indilwa: ✓ Ga se oshimpwiyu kutya, napa kale oompito dhi thike pamwe mekuthombinga lyaakiintu naalumentu metulopo lyomilandu dhomahupilo noku dhi longitha. ✓ Egandjo lyoonzo lya kanekwa kontengenekwamwaalu yuukashike ko okantu, okupotokonona oompumbwe dhaakiintu naalumentu shi thike pamwe. ✓ Okushilipaleka oompito dhi thike pamwe, omauwanawa noompito dhaakiintu naalumentu okuya muunangeshefa nomokulanditha, miilonga yoku eta po sha mepangelo. ✓ Okutalulula omilandu noompango adhihe ndhoka tadhii utha okuya ko-, okukondolola, nokumona omauwanawa taga zi moonzo dhomanduluko kaakiintu, sha kwatela mo omeya nevi.	Elongo olya simana noonkondo mokutunga po shomungunda. Momumvo 2006 ekalo mootundi lyaanona yomivo 9 - 16 olya li lya konda poopelesenda. Ashike mepipi lyaanasikola yomivo 18 oopelesenda dhaakadhona mbono ya li mosikola odha li 47%, omanga dhaamati 53%. Omayalululo oga holola wo kutya omwaalu omunene gwaakadhona mooprimasikola ohaye endlulula, shi vulithe paamati okuza pondondo 7 okuya pombanda. Momumvo 2007 oopelesenda dhi vulithe 50% dhoonaku endlulula ondondo 7-12 odha li dhaakadhona, omanga aamati ya li oyendji moonakuendlulula okuza mondondo 1-6. Monena ekuthombinga lyaakiintu miilonga oli li pevi noopelesenda 49% pakuyelekanitha nolyaalumentu ndyoka li po - 60%. Omayalulo oga holola kutya oopelesenda 44 dhaakiintu aanamagumbo ogwiikolelela muunafaalama wokwiikwathela mwene, noopelesenda ashike dhi li 28% ohaya hupu mokulongela oondjambi. Oopelesenda 50% dhaalumentu ohadhi hupu moondjambi dhiilonga, noopelesenda dhawo 29% odho owala hadhi hupu muunafaalama wokwiikwathela. Omulandu gwEvi lyUukwashigwana, nOveta yOmatopolululo gevi, Oveta 5 yomumvo 2002, oya hala okwoopalekulula omapuko gombinga yiinima yeve. Nonando opu na eyokomeho methikopamwe lyuukashike ko okantu, uuthemba wevi kaakiintu ohawu monikwa owala tashi pitile maalumentu, ngaashi aalumentu yawo nenge oohe. Aaselekadhi ohaya hepekwa wo mokukuthwa omaliko gawo omoluuthiga konima yeso lyaalumentu yawo. Oveta yEthikopamwe lyomiilonga, Oveta 29 yOumumvo 1998 , otayi kambadha oku opaleka ethikopamwe lyiilonga lyaaluludhe, lyaakiintu nolyaanuulema. Oveta yAaniilonga, Oveta 11 yomumvo 2007 (ya pinganena po Oveta yAaniilonga 6, yomumvo 1992) otayi kwatha okukutha po omandangalati okuthika mekuthombinga lyuudha lyaakiintu miilonga.

OONZO DHA SIMANA**SHIKA OTASHI GUMU NGIINI NAMIBIA?****OKATENDO 20-25: OONKALANKONGO DHUUKASHIKE KO OKANTU**

Oku ka thika 2015 omapangelo naga:-

- ✓ Se oshimpwiyu pu ningwe oompango ndhoka tadh keelele oonkalankongo dha yama kuukashike ko okantu, naamboka taya eta oonkalankongo dha tya ngaaka, naya pangulwe moompangulilo dholela.
- ✓ Gandje omautho taga sitha uunye oohedhi nomikalo ndhoka tadh gandja oonkondo koonkalankongo dhopakashike ko okantu (GBV).
- ✓ Se oshimpwiyu kutya oompango dhoGBV nadhi ninge omakonakono giihwapo, omapango nomasiloshimpwiyu gooluhupe momapogolo gopaukashike ko okantu.
- ✓ Tule po omilandu dhegalululo lyomadhiladhilo nolyopashigwana, kwaamboka ye na sha no-GBV.
- ✓ Tule po oompango tadh keelele enyokomo naantu nokugandja omaambidhidho omayapuki kiihakanwa.
- ✓ Tule po oompango, omilandu nooprograma dhokuhulitha po omangwandjagulo guukashike ko okantu.
- ✓ Tule po iilonga yomaambidhidho gi ihwpo, mwa kwatelwa omayelithilo, edheulo lyuuge kuukashike ko okantu, nelongo kwaayehe mboka taya gandja omayakulo.
- ✓ Shonopeke omuthika gwo-GBV gwongashingeyi netata.

Shi vulithe poshititano shimwe shomoonkalankongo dhomomagumbo, muNamibia ohashi holoka konyala mekwatathano lyomegumbo. Omakonakono oga holola kutya moonkalankongo dha tya ngaaka oopelesenda 86% iihakanwa yadho odho aakiintu, ndhaalumentu odhi li owala 14%. Omasinasino omakwawo oga holola kutya oopelesenda 93% dhoonkalankongo dhomomagumbo ohadhi ningwa kaalumentu. Momumvo 2005 omwaaulu gwiimbuluma yekwatankonga, nenge oonkambadhal dhekwatankonga ogwa li 1148. Moka aakiintu oye na mo oopelesenda 90% mekwatankonga nenge moonkambadhal dhekwatankonga.

Ope na ompumbwe yomiyalu dhihwapo kombinga yiiningwanima yOonkalankongo dhuukashike ko Okantu (GBV). Shimwe shoka sha holoka miiningwanima mbika osha zi momasinasino gEhangano lyUndjolewele wUyuni (WHO) kaakiintu mOvenduka, ndyona lya holola kutya shi vulithe poshititatu shimwe shaakiintu mboka ya konakonwa oya li ya ningilwa omangwandjagulo gopalutu nenge gopaukashike ko okantu sha ningwa koomakula gawo yopothingo.

Oveta yEkondjitho lyEkwatankonga, Oveta 8, yomumvo 2000, oyi na oshindji shono inaashi gama olwaamambinga muukashike ko okantu.

Oveta yEkondjitho lyimbuluma yomEgumbo, Oveta 4, yomumvo 2003, Oya gandja omalandulathano gegameno kiihakanwa yiimbuluma yomomagumbo, nosho wo omautho gontumba kombinga yomapogolo goonkalankongo dhomomagumbo.

Oveta yElundululo lyOmapogolo, Oveta 24 yomumvo 2003, oyi na omautho gowina okushonopeka omutenge gwegandjo lyuumbangi kaantu mboka ye li iihakanwa yuukashike ko okantu momapogolo goonkalankongo dhomomagumbo.

Oveta yAaniilonga, Oveta 11 yomumvo 2007 oya ndjandjukuruna mo engwandjagulo lyopaukashike ko okantu, noyi indika omangwandjagulo ngaka miikando ayihe yiilonga.

OKATENDO 26: UUNDJOLEWELE

- ✓ Shonopeke eso lyopepulumutho nooperesenda 75%.

Okuza pemanguluko omaso goomeme pepulumutho oga londo noonkondo. Nomiya lu dhomukundu nguka natango inadhi kolekwa.

Shi vulithe pomukiintu gumwe maakiintu ye li metegelelo yatano, oye na ombuto yoHIV. Nando ongaaka omaso goomeme pepulumutho oga fa ngaa ga hwepopala oomivo omulongo okuza pemagulukulo. Okuka thika momumvo 2006-7, oopelesenda 95% dhaakiintu aanamibia oya ka mona omuyakulo guundjolewele lumwe omanga inaa ya pulumutha, nomapulutho goopolesenda 81% ohaga ningilwa momahala guundjolewele. Momumvo 2000, oopelesenda 75% dhomapulutho odha kwathelwa kaaniilonga yuundjolewele ya dheulwa, omanga momumvo 1992 sha li oopelesenda 68%. Omayakulo gopamuthigululwakalo mepulumutho ohaga longo shomungunda natango.

OKATENDO 27: O-HIV NO - AIDS

Okuthika 2015, omapangelo okwa tegelelwa ga:

- ✓ Kale nomaukwatya ge na uuge wuukashike ko okantu, opo ku keelelwe omahwango omape.
- ✓ Shilipaleke oompito dhokuthika kepango lyo-HIV no-AIDS kaalumentu, aakiintu, aamati naakadhona mbo ya kwatwa kombuto.
- ✓ Ge na ooprograma tadh gandja omayamukulo ndhoka dha yalula iilonga yaahungimwenyo anokugandja iikwa niipangitho noshowo omaambidhidho omolwonkalonawa yawo.

Moorkambadhal dhokukondjitha omukithi omudhipagi gwoHIV/AIDS, epangelo olya tula po oopulana odhindji. Ooprograma dhopaShigwana dhokukondolola o-AIDS (1990), Fiist Medium Term Plan (1992-1998) ya tulilwe miilonga momumvo 1992; Second Medium Term Plan (1999-2004) ya tulilwe miilonga 1999 na: The Third Medium Term Plan (2004-2009) na ya tulilwe miilonga 2004, no-National HIV and AIDS and AIDS Policy momumvo 2007. Ngashingeyi Namibia okwi ipyakidhila nokutota po o-Fourth Medium Term Plan. Enenedhiladhilo lyoopulana ndhika olya okushonopeka ombuto yoHIV/AIDS muNamibia maakuluntu nomaanona. Nokusa oshimpwiyu kutya, aavu ayehe yombuto yoHIV muNamibia pamwe noofamili dhawo oye na ompito okumona eyakulo tali vulika, noli na ongushu ya shiga ko, notali yamukula koompumbwe dhawo. Tadh homateke oofamili noohandimwe, uunongo wu na sha nekelele, nosho wo esiloshimpwiyu lyomomagumbo neipopilo lyopaumwene kombuto tyoHIV/AIDS. Omuzizi omutitatu gwOpulana otagu dhenge unene omuthindo ketanutho nokendjandjukurunono lyombuto ndjika.

OKATENDO 28: ETUNGOPO LYOMBILI, NEPOTOKONONO LYOONKALANKONGO

- ✓ Oku ka thika 2015 napu kale pwa longekidhwa ekuthombinga li thike pamwe kaakiintu mepotokonono lyoonkalankongo nomiilonga yetungombili nongaashi wo ekwatelomo lyuukashike ko okantu momatokolo goonkalankongo moshitopolwa.

Ekotampango lya Namibia olya utha kutya, aantu ayehe oye na uuthemba wokupopya, nokwiiholola, mboka wa kwatela mo uuthemba womanyanyangidho niitaandlithinkundabnaiikwawo (Okatendo 21)

OKATENDO 29 - 31: IIKUNDANEKI, OMAYELITHILO, NOMAKWATATHANO

Oku ka thika 2015:

- ✓ Uukashike ko okantu otawu kala wa kwatelwa momauyelele agehe, momakwatathano nomomilandu dhiikundaneke noomompango.
- ✓ Aakiintu otaya kala ye na ekalelopo li thike pamwe miikondo ayihe noshowo moonkatu adhihe dhiilonga yiikundaneke.
- ✓ Aakiintu naalumentu otaya ka pewa ewi li thike pamwe miikundaneke.
- ✓ Ooprograma dhaakiintu, tadh ningwa kaakiintu, tadh popi aakiintu, otadh ka indjipala nomaningilomo guukashike ko okantu otaga ka shongwa miikundaneke.

Ekotampango lya Namibia olya utha kutya, aantu ayehe oye na uuthemba wokupopya, nokwiiholola, mboka wa kwatela mo uuthemba womanyanyangidho niitaandlithinkundabnaiikwawo (Okatendo 21)

Pamayalulo go-Gender and Media Baseline Study gomumvo 2003, ga ningwa koGender Links/MISA, aakiintu aanamibia oye li owala oopelesenda 19% moonzo dhiikundaneke. Omakonakono ngaka oga li wo ga holola kutya aakiintu naalumentu aanamibia ohaya longo miikundaneke nenge momatumomawi mombepo ongolunzu olunene lwoonkundana dhawo, kokutya osha yela kutya nani oongundu adhihe mbali odha kalelwa po shi thike pamwe miikundaneke. Shika otashi ya kwatha wo okuya momayelithilo gomakwatathano gopautegnika (ITC).

Namibia okwa tula po omaukwatya gaheyali okuhwahwameka aakiintu miitaandelithinkundana (i) A ninge oompito adhihe dhokuya miitaandelithinkundana oompu kaalumentu nokaakiintu (ii) Ta tula po ooprograma ndhoka tadh fala aakiintu momakwatathano goITC. (iii) Ta opalekulula oompito dhaakiintu dhiilonga muunangeshefa wiikundaneke, unene tuu mongundu yokuninga omatokolo.

OKATENDO 32 - 35: ETULO MIILONGA, EAMBELO, NETANUTHO

- ✓ Elongitho lyomalandulathanotokolo oli na oku ambelwa kokomitiye yomuuministeri wiinima yaakiintu yaakwanepangelo aakuluntu, mboka ye na sha niinima yuukashike ko okantu, mUuhamushanga wa-SADC.
- ✓ Etulopo lyomulandu gwopashigwana gwa kankamekwa kElandulathanotokolo.
- ✓ Egongelo lyomiyalu omolweambelo nomokutulwa moonkatu.
- ✓ Omalandulathanotokolo ogu utha iilyolongo yi gandje omishangwahokololo dhihwapo, tadh gandjwa kUuhamushanga konima yomivo mbali kehe, tadh holola shoka sha pondolwa po melongitho lyomautho ngaka.

(V) Taku ningwa omasinasino okutotha mo iinima mbyoka tayi eta omakoneneneno, nokulonga shoka shuukila ko. ((VI)) Taku ambidhidhwa omahangano gopaikundaneke moonkambadhal dhawo oku ambidhidha omahumokomeho niinima tayi tungu oshigwana. (VII) Taku tsuwa omukumo omahangano giikundaneke, oku endlula omilandu dhago, moka mwa kwatelwa omakankameno guukashike ko okantu.

Esimano lyelandulathanotokolo lyUukashike ko Okantu:

Omlandulathanotokolo gaSADC mOmapendulopo gUukashike ko Okantu oga ndjeke po Omauvathano go-SADC kombinga yOmapendulopo gUukashike ko Okantu, li ninge ehanganano tali dhengele mosdhitopolwa. Pamwe niilalakanenwa -30 mokuthika methiko pamwe lyUukashike ko Okantu komumvo 2015, oshilonga shika osho shotango mOngongavi, nosha tula SADC komeho giilonga yoku eta po sha mokugandja omuthika nomalalakanenwa omawanawa moshitopolwa.



Etameko lyomahangano guukwanangundu guukwashigwana melandulathanotokolo lyuukashike ko okantu lyaSADC:

Embwindi lyomauvathanotokolo gUukashike ko Okantu molukadhi lwaAfrika, oli na omahangano agehe kumwe ga konda 40 ngoka ge na sha nUukashike ko Okantu moshitopolwa, naangoka inaaga yama kepangelo, ga kala miilonga mbika okuza 2005, omolwetaambo, eopalealekulo, nshowo etulomiilonga lyomalandulathanotokolo giilonga yaSADC muukashike ko okantu.

Embwindi otali longo pamukalo gwoongundu, ndhoka tadhi wilikwa kwaamboka ye li iilyo yOkomitiye yowina. Okomitiye yOwiona oya thikama momahangano taga landula:

- Gender Links - overall coordinating NGO; also lead NGO for the Gender Based Violence Cluster.
- Zimbabwe Women Resource Centre and Network - lead NGO of the Gender and Economic Justice Cluster.
- Gender Advocacy Programme - lead NGO of the Gender and Governance Cluster.
- Gender and Media Network of Southern Africa - lead NGO of the Gender and Media Cluster.
- SAfAIDS - lead NGO of the Health, Sexual and Reproductive Rights, and HIV and AIDS cluster
- WLSA - lead NGO of the Constitutional and Legal Rights Cluster.

Komauelelel gwa gweedhwa po, monathana na: Namibia Non-Governmental Organisations Forum - NANGOF Trust. P. O. Box 70433, Khomasdal, Windhoek, Namibia. Tel: 264-61-212503. Fax: 264-61-211306. Email: nangof@iway.na

Gender and Media Southern Africa Namibia Chapter-GEMSANAM/Protocol Alliance. Box 50429-Johann Albrecht Str. 139. Tel: 0026461 2882592. Fax: 231626 E-mail: sxoaguseises@yahoo.com. Windhoek North, Namibia Legal Assistance Centre. 4 Korner Street. Windhoek P.O.Box 604, Tel: 00264 61-223356. Fax: 0026461 234953. E-mail: Info@lac.org.na. Website www.lac.org.na

Komauelelel gwa gweedhwa po, monathana na: www.genderlinks.org.za; alliance@genderlinks.org.za; Phone: +27 (0)11 622 2877

The SADC Gender Protocol Alliance comprises: Association of Local Government (ALAN); African Women's Economic Policy Network (AWEPON); Botswana Council of NGOs (BOCONGO); Christian Council of Mozambique; CIVICUS; Federation of African Media Women (FAMW) - SA; GAP; Gender Links (GL); Gender and Media Southern Africa Network (GEMSA); Gender Policy Program Committee (Botswana); Justice and Peace (Lesotho); Malawi Council of Churches; Media Institute of Southern Africa (MISA); NGO Gender Coordination Network Malawi; SAfAIDS; SAMDI; SALGA; Society for Women and AIDS in Africa Zambia (SWAAZ); Trade Collective; Women in Law and Development in Africa (WILDAF); Women in Law in Southern Africa (WLSA); Women, Land and Water Rights Southern Africa (WLWWSA); Namibia Non-Governmental Forum (NANGOF); Women's Net; Young Women's Christian Association Botswana (YWCA); Zimbabwe Women Lawyers Association; Zimbabwe Women's Resource Centre (ZWRCN). Associate Members: African Women and Child Feature Service; Swedish Cooperative Centre - Southern Africa; Diakonia (Zambia).

